

مطبعه رحل اراره :

جمال اوغلنده امنيت
صندوغى جوارنده
شنگول يقوشنده
۲۵ نومبر

مشق قلم صراط مستقیم

سلکمزہ موافق آثار
جدیدہ مع المنونہ
قبول اولنور

درج ایدلہ بن آثار اعادہ اولنور

دیر ، فلسفہ ، علوم ، حقوق ، ادبیات تاریخ ، سیاسیات و بالخاصہ احوال و شئون اسلامیدہ بحث ایدر و هفته دہ بر نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ بارہ در

ابوالعلا زین العابدین - ح . اشرف ادیب

تاریخ تأسیسی

قیرلہ دن مقوا بورو ایله کوندربیلیرسه سنوی
۲۰ غروش فضلہ آلنیر

۱۰ تموز ۳۲۴

سنہ لکی	التی آیلانی	غروش
ممالک عثمانیہ ایچون	۶۵	۳۵
روسیہ	۶۵	۳۵
سائر ممالک اجنبیہ	۱۷	۹

آلتنجی جلد

۲۱ شعبان المعظم ۱۳۲۹ پنجشنبه ۴ اغستوس ۱۳۲۷

عدد : ۱۵۴

مکاتیب

کوش دیانت و حمیتہ

مذهب مشرور و عزم مذهب حنفیہ کی جبر و اکراہہ اجرا ایدہاں طلاق و شروطک سرقیدن بالاستفادہ ہر طرفدہ خصوصاً ارکلی قضا سندہ ظہور و تکثر ایتکدہ اولان صوک سیستمہ بر طاقم سارقلرک الناموسلی دیندارلری جنوارجہ سنہ تقیب ایدہرک یقالایہ بیلدیکنک تنہا یرلردہ صوبوب اوزرندہ نہسی واریسہ آلدقندن ، یوق ایسہ مدت معینہ ظرفدہ تأدیہ ایدہ چکنہ دائر بورجلاندقندن صکرہ ہرنہ صورتہ اولور ایسہ اولسون کیسہ یہ سویلہ میہ چکی و دعوی ایتہ یہ چکی خصوصاً لرنده طلاق ثلاثہ اوزرینہ اشکنجہ لرجراسیلہ یمین و یرہرک مذهب مقدسی اللرنده آلت سرق آتخاذا ایلدکاری مع التأسف ایشیدلمکدہ در .

مخبرل طرفندن وقوعبولان اخبارات اوزرینہ تحقیق ایدن بوکی جرائمہ جنبہ نوعندن برجرم عادی بولندیغنه دائر ہیئت اتہامیہ چہ قرار ویرلدیکی ینہ ایشیدلمکدہ در . نکاح و دیانت اوزرینہ ویریلن یمینک ایرات ایلدیکی خسارات ، یمین ویریلن دیندارک امید استقبال معنویاتی کلیاً تخریب ایتک وارتباط معنوی نکاحی تغیر وازالہ ایتک و مذهب مقدسجہ برجنایت معنویہ ایلہ محکوم ایتک کبی دہا ناقابل اعداد بر طاقم مادی و معنوی عظیم ضررلردن عبارتدر . جنبہ جزاسی ایسہ بوکی خسارات عظیمہ نک اوکئی آلمغہ کافی اولہ میہ چقندن بو بابدہ مذهب مقدسک علویت و قدسیتی و مذهب مقدس اوزرینہ ویربان یمینک ایتخاع ایلدیکی تخریبات مدہشہ ایلہ متناسب بر قانون قلمہ آلہرق مجلس ملی عالیہ عرضی و بوقانونک موقع تطبیقہ قوانینجہ یہ قدر نافع وشدید برقرار موقت اتخاذاینی ویاخود مسئلہ معروضہ حقندہ ترجیح و تلفیق مذهبہ دائر باب اجتہاد آچلمسینی و بوجہ تملر شایان قبول کورلدیکی صورتدہ - مذهب مشرور و عزم بویلہ ہر زمان بازیجہ شاعت و احتراصات ایدیلوب طور مقندن ایسہ - تشفع ایدہ چکمزدن شافی برمفتی کوندرلمسینی کرہ ارضدہ موجود بتون ملت نجیبہ اسلام میہ نک سلامت و دیاتی نامنہ حکومت عادلہ و مشروطہ مزدن کمال فریادلہ طلب و استرحام ایلرز .

ارکلی مدرسینندن سولی زادہ علمادن قونیہ علما و مدرسینندن
محمد صدقی مصطفی شگری

وجیبہ دن بیلیرلر . لورد کچرک سودان و مصر دہ کی تظلملرندن بریدہ البت خاطر لانہ مامشدر سودان محاربہ سندہ اہل اسلام جامعہ لردہ یاتسو نمازنی قیلہ مقده ایکن بتون عسکرک امر و قوماندای التندہ بولندیغندن او بیچارہ لرک خون شہادتینی دین قرداشلری اولان مسلمان عسکرلرینہ اجرا ایتدیر مشدر . بوایسہ حقیقی مثبت اولقلہ برابر اوزمان محاربہ دہ بولنان بالجلہ مسلمان ضابطلری طرفلرندن دخی مکرراً ایشدلمشدر . محترم غزتہ کزہ بوقمہ الیمہی خاطر لاتمنی عموم دین قرداشلرمز نامرینہ وظیفہ بیلیر . ودرج اولنمیان معروضات داخلہ ادخال اولنمسنی معتبر غزتہ کزک ہیئت کرامندن استرحام ایلرم

اسکندریہ شعبان ۷ سنہ ۱۳۲۹

حزب الوطن خاتملرندن برخام

طرفندن

شئون

روسیہ

تفصیلات - قریب دہ باغچہ سرایدہ پولیس وژاندارمہ مأمورلری فتح صالا امامی حسین افندی ایلہ برادری کتابچی علی طارپی افندی پی توقیف ایتشلر و علی افندی نک دکاتی قباہرق مہر آلتہ آلمشدر . علی افندی نک کتابخانہ سی خصوصی مأمورلر طرفندن تفتیش اولنہ چقدر . علی افندی ہر سنہ استانبولہ کلوب کلام قدیم ، حدیث و تفسیر شریف آلور و بولری کوتوروب مملکتندہ اخوان دینہ عساکار ، متقی بذات ایدی . بیلیم یز ، آرتق اسلاملرک کتب مقدسہ سی دہ روسیہ دہ اوراق مضرہ دن می عداولیمہ باشلانیور ؟ ...

قحطی - بوسنہ روسیہ نک ، اکثریسی اہل اسلام ایلہ مسکون شرق ولایتلرنده قحطی وار . مختلف شہرلردہ استسنانمازینہ جیقہ لیور ، قراندہ حبوبات فینائی یوزدہ فرق ایتندہ فیرلامشدر .
یانفیندر . - یاغمر ، رسز و حرارتلی یاز کونلرنده دائماً واقع اولدینی اوزرہ ، بویاز روسیہ نک کویلری چوق یانیور روسیہ کویلری کاملاً احشابدہر . « وفت » رفیقہ مزدہ اوقوندیغنه کورہ برقضادہ ۱۵۰ مسلمان خانہ سیلہ بر مسجد و دیگر برقضادہ ایسہ ۱۰۰ قدر مسلمان خانہ سیلہ بر مسجد محترق و لمشدر . بوکلہ قضا سندہ عبدالرحمن اسملی مسلمان کوینک ۴۰۰ ی متجاوز اذیہ سی تماماً یانمشدر کہ حاصل اولان ضرر و زیان مقداری یوزک روبلہ تخمین ایدلمکدہ در .

جاپونیا

آسیا اتفاقی - کچن آی ، توکیو شہرندہ آسیا ملتلرینی تجارت واسطہ سیلہ توحید ایتک مقصدینہ مستند « آسیا اتفاقی » جمعی تأسیس اولنمشدر . جمعیٹک مانچوریا ، چین ، ہند ، سیام مملکتلرنده وفیلیپین و صوندا اطہلرنده شعبہ لری آچیللاجقدر .

کچن کون لورد قرومر حقندہ یازدیغمز بر بندک نقصاتی تصحیح ایلہ ین عزیز بر مکتوب آلدق ، صاحبہ سنہ متدار اولہرق عیناً درج ایدیورز :

محترم صراط مستقیم جریدہ معتبرہ کزدہ کمال محظوظیت ایلہ انظارمہ تصادف ایدن شئون یحشدہ مصر مسئلہ سنہ دائر اثر تعطیلاتکزدہ دن بتون اقوام مصر و خصوصاً حزب الوطن خاتملری عرض شکرانی

صراط مستقیم مطبعہ سی مدیر مسئول : اشرف ادیب